


# Matius 26



Tre' ma'ta lera wonem pa leralawna Paska, noma Yesus Nla'a leta Betania, la Lasarus letni maka Yesus Namori Lasarus la' matmiatni ralamni de. Edon nalo'on wali ne Maria nodia wu'ru hup mikmikri narwastu, mak welli warta, edonna nhal de potla nwatniarnara (stenga liter), na'nama nhuria wu'ru della' Yesus l akni, nhor nioma nala moratnu na naha kerna. Noma wu'ru de huwnu mikmikarni nawah'a nana rom de tetema.


1

Noma la' riy id la'a riy termida wehrani woru maka Yesus ha Nwatutu-nwaye'a re de nwawa Yudas Iskariot nla imam re o'tani-matni, yoma nwaror nana nla na'olga Yesus la ira. Honona re ralamni re rahepru la'pa ratlin nan edade, ne rwanel tiar pua pena rala kupan la Yudas. Noma Yudas nla nwahakhak talla emkameni pa ntorna Yesus totpena nala la Yahudi o'tani-matni re.

2




Noma maka Yesus ha Nwatutu-nwaye'a re rhi'a hya' ed maka Yesus Nakota rella. Noma rla' pa rwahi'a-rwayod tiarga ya' ana-yemnia Paska. La'pa rara'an reri noma Yesus Na'ala roti, na'nama Na'uli-nawedia Uplerlawna. Nhor nioma Nhawi-nhawia rot die na'nama Nhakre'era la maka ha Nwatutu-nwaye'a re na'nama Niwra: "Mia'ala pa mi'ina. Hadi de A ino'nu inhatti."



3

Nhor nia'nama Na'ala lari maka rkeni anggur turnu na'nama Na'uli-nawedia Uplerlawna na'nama Nala maka ha Nwatutu-nwaye'a re, me Niwra: "Hononmi mnimit la (miemnu). Yoma A ra'ru inhatti maka khi'a aplola Uplerlawna nnio' warwuarnu me rar maka ha rhuria pa Namou-nawitna riy liawanni."



4

Noma Yesus Nakot la Simon Petrus Niwra: "Mere Simon ee! Mutlin reri o! Uplerlawna Nwayow nohora hegana amlawanni pa nta'ag miy hononmi pa emeknekama ramoga wetra' lawna la'a ulatni nor ihini, totpena samomuounu lol to'ola yatyatni. Mere Asiumbaini olek o'owa Simona totpa pesiaymu yana nmadwuri. Ne la'pa omuwali owa'an mai A' die mhi' arur miemna hyalmu re."




5

Noma Petrus nwahla Yesus lirni niwra: "Matroma, hota la' emkameni ho'mana a'g edonna wuadur la roma nhio'la ralamni, ne amuat niohora Matro'mu!" Noma Yesus Nakot la Niwra: "Mhuoratreria Petrusa, hota hiwi lallu edonna nkukule' ma'ta la' ler di de hota omueh'a nekpa mrieher doin A lia' re'eni wotelu."




6

Nhor nioma Yesus Nora maka ha Nwatutu-nwaye'a re pa rla'awa geni ida mak kwawa Getsemani. La'pa rden la hande noma Enakot la ira: "Mpiei pia mimitatan la handi. Pena A lia siumbaini." Niwra: "Am ee! Hadom edon ta'eni tiy O'a. Awuak pa Muhal doinia kropna-krieutu mak hota Atiutulu-lielew niana ri. Mere yana Mliernohor maka A ralmu ha nwaka mere plolli nek tiy O'owa Ama!"



7

Pa Yudas nmai die ni'it nana riy makodi keki-rautu Romawi lidanni ida me la' walia maka nhi'inde katiaka Uplerlawna roma kreini, pa rmai rewre'wa yoma imam-imam re o'tani-matni rora riy Parisi er mak khopna. Rmai die rawtutu'tu la keki-rautu, me hulu-wa'du. Noma maka ha Nwatutu-nwaye'a ida nleh dioinia wehlani pandawar doinia riy ida tlinni walli malganna. Riy de nhi' hopopna la imam-imam re o'ta lawanni. Mere Yesus Nakot lare Niwra: "Hadewa la hihi'a-yapyap miak emkade!" Noma Nteman la hopopan de tlinni dewade tlinni nkalwiedweda la' genni.




8

Dewade rtorna Yesus pa rodia la imam-imam o'ta lawanni romni. Ne Petrus nlernohor reria mere edon nwakrian lia. La'pa rte'ela hande noma rhokla ai lia rom de herni-gaini letgarni noma ramtatna pa ramriri ai, noma Petrus nla' pa namtatan wutga pa nre'ela namrir wutga ai lia riy mak kden la hande.



9

Noma makla' hopopna-lili' iru id la imam-imam o'ta lawanni de nmai lia Petrus. De e hyalli de ed maka Petrusa ha ndawar doin tlinni walli malganna, pede nakot la Petrus niwra: "A'g e umkek walia omuor Yesus la'a nhyi' de maka mel de miy e miwok tar lia de, pa yana mriehera." Mere Petrus nrehera owa'an pa niwra: "Edonna!" Dewade plinu-plinnianamde hiwi lallu nkukule'ewa. Noma Petrus nlergot la gen die na'nama nahedge'du la kniakru.



10


Noma mak kdena re honona raprir pia rodia Yesus la Pilatus de. Noma Pilatus natiana Yesus niwra: "Plola O' di de ray Yahudi id O'a?" Noma Yesus Nwalolla Niwra: "Emek lir mak omukot de!" Mere Pilatus niwra nolin doinia Yesus. La hade pede nakot owa'an hade la riy honona re. Mere rhaun-rhaun pa



11

riwra: "Rla rwair neka wa! Rla rwairia la auwlakra hananni!"

Dewade Pilatus nala Yesus la ira, totpena rla rwairia Yesus la auwlakar hananni. Noma ra'ala Yesus pa rodi rla'awa. Rla' de Yesus orgahani Nme'h'a Nakwar nana auwlakarni pa Nokria gen miak ha rweta la Riy Ruri-Kliaklu Genni, maka la yawala Ibrani de rweta la Golgota.




12

Hota la' gen die nanpena rla rwairia Yesus la auwlakra hananni. Ne rwair taru wuali riy wor lia auwlakra hananni, id la malganna, id la malwiru ne Yesus Nden la letgara.




13

Edonna nhal de la'pa lera nwawuau ro'onni (jam termida wehrani woru) mere la'a noh de tetema nekpa mel'uta-maliena nodia pa lera nher miemna (jam wotellu) yoma lera edonna nhita-nrepra.



14

Noma plin-plinnianamde kok lawna maka ha ra rahew tiarga liolgeni la'a gen mak kmou-kwitna la Uplerlawna roma kreini ralamni totpa riy edon rler la rialma, de ema rlihirwah'a la woru. Dewade Yesus Nhaun matmiat pia Niwra: "Am ee! Aghoiya A ino'nu pa Mkienia la limmu rora ralamni!" La'pa Naltier pia nhorwua noma Nmat wia.



15

La ler de ntuin tar la' ler maka rwahi' targa hare honona pa rwei-rnara Sabat lerni (ler maka Yahudi re edon rkar lia) yoma repar de Sabat de ntutu-nte'ewa. Pa la'pa lera ntui de noma riy id la hande de nanni Yusup nhi' parani inonni pa nla nwak

la Pilatus totpena na'ala Yesus inonni mak kmati olek de. Yusup de riy mak kwatiawua leta Arimatea, maka nhi'inde nre' wal pia nla'a riy mak ketlia lira-tunu la agama hannu, ne riy maka ha rwetwet la nanni.

16


Nhi'inde ralamni nod rer lia wnieri la Uplerlawna hota Ntorna-nrautu emeka Ray. Yusup la nawelia kok lawan wawahra mak kamnurnuhru nhor nia'nama nlanale rnia Yesus mak kmati olek della la'a auwlakra hananni.

Na'nama nala kok lawan wawah ra mak kamnurnuhru na ntomna. Nhor nia'n ama nla nle'er targa la'a lien a maka ha rawte'ta nande. Nhor nia'nama nwaklol tiarga wat liaw na id pa na nherit tar ga lien de nhiarni.

17


La'pa repra wa, de Sabat lerni noma imama re o'tani-matni me riy Parisi re, rla' rewre'wa pa rla'a Pilatus de. Noma rakot la Pilatus riwra: "Tuna, ami e mhoratreri mia'ta la'a Yesus makalahar de Nmormiori mia'ta, de Nalahar pa

Niwra la'pa lera wotellu de hota Enmori owa'ana."



18

Pede rla'awa la'a lien de wa pa rahro'pa targa lien de nhiarni me yatiaka npitu-nkor la totpena yana riy rma ra'ala mak kmat die inonni la'a lien de.



19

La'pa Sabat lerni lardoin wa dewade yawyawa ma'ta la krei lerni, la'pa lera matni npah'a, de Maria Magdalena nora riy id wali mak kwawa Maria, rla'pa ramkek la lien de. Dewade plinu-plinnianama noha nruru

(upkarururu) mak karur miemna.

20

Yoma Orgahi-Orha'a hopopanni ida  
nwatiawua Ilyamou-Watyatoha pa  
neru. Nmai pia nwaklolia wat  
muaka ra rherit targa  
liena nhiarni de na'nama  
namtatn apitga la wat  
die wawannu. Ne  
makodi keki-rautu  
mak katiak reria  
lien de

rdiwra-rda'al  
nohora yamta'atni  
pa nhi'nande  
rtuini pa emekto'a  
riwra rmati.

21

Noma Uplerlawna hopopanni de nakot  
la patke'a re niwra: "Yan  
mimta'ata. A'g e gatga de  
miy mia mihaka Yesus  
maka ha rwairia me  
inonni nmat lia  
auwlakra hananni.  
Hade edonna  
Nden olek la

handi  
wa."

22

"Ha Nmori olekwa emeka E lirni  
maka Ha Nakot oleka tiy miy lia  
ler ululu. In miy re, mai pia  
mimkek tek la gen miaka  
ha retar targa Yesus  
inonni de. Mimkeka,  
Ha inonni edon  
nden olek la wa."

23

Pleta-plet pa patke'a re rto'or la hoi die  
pa rawal wia. Ramta'at wenna mere la'  
ralamni re rahepuepru memna pa  
rawlar pia rla pa rakot nohora  
harella' riy maka Yesus  
Nwatutu-nwaye' oleka re.

24

Er ma'ta la talan ralma de  
plinu-plinnianama Yesus Nhar gaini la  
patke'a re pa Niwra: "Kalwieda  
nar miy re!" Noma rmai pia  
rwakriania Yesus pa rwaltiora  
na'nama rkolla lakni pa ruh'  
idma-rrama lia'ar la.

25

Nhor nioka Entutga gaini la maka Nwatutu-nwaye'a  
termida wehrani ida re de, e rara'an reri, noka  
Npolliohora yoma rakleha pesiay me ralamni re  
tehrani pede rahmena rpesiaya riy maka kamkek ulga  
E'a la'pa Nmori owa'ana la matmiatni ralamni, de  
lirni. La'pa Itmatromni Yesus Naltier lia pa nhorwua  
dewade, ema rran nana pa Nokru  
Ilyamou-Watyatoha, la'pa Namtatan  
la Uplerlawna walli malganna.

26

De yoma Uplerlawna sniyanni la'a rimormiori nohkeran di inponni memna, pede Enala Wutmueheni-Laimieheni A' die, totpena ha meni mak kpesiay A' die hota edonna nler la matmiati-molmuolu pa rrinnia la ai mormiori ralamni mere nlernana mormiori plalahwa pa nodi liarni.

54

60

27

Roma 3:23 Yoma riy honona rler olek la do'a-hala ralamni, me nhiolli re oliet meman la Uplerlawna polli-mneheni nhiolli-lietni mak kmou-kwitna.

Roma 6:23 Yoma do'a-hala wniahlani de matmiati-molmuolu plalahwa. Mere Uplerlawna Nara'a-napal niana mormiori plalahwa pa nodi liarni la riy mak kor wutga Kristus Yesus, Itmatromlawanni tla' ihru ida-ralm ida.

Ibrani 9:27 Ne hota emeknekama Uplerlawna Nakota de hota rimormiori rmat die raralamni nmeh'a pa nhorwua nanpena Uplerlawna ed maka khudi-kpara re,

28

Epsus 2:8,9 La'a Uplerlawna ralam kalwiedni pede E Nalewan miy onnila miy pesiaymi la Yesus. Ne miy lewlewanmi de edon riwra yoma la'a riy ruri-lai wamueheni, mere hade nwatiawua Uplerlawna sniyanni totpa hota riy id mana edonna nwaror nana tulu-petna yoma wniarorni de enmeh'a namori-nalewna e inon wamueheni onnila e hihi'ini-yapyapni wamueheni.

Roma 10:9,10 La'pa miy nurmi nwayow nana Yesus la rira gaini ralamni pa miwra: "Yesus de Orgahi-Orha'a inhatta," me mpiesiaya la miy ralamni de Uplerlawna ed maka kamori-kalewna Yesus la' matmiati ralamni, de hota mimiernana mormiori plalahwa. Yoma la'a mimpiesiaya la ralamni pede Uplerlawna Nreiniiana-na' nana miy pa emeknekama riy maka kora Uplerlawna rkalwieda. Ne la'a nurmi mak kwayow nohora Yesus de Orgahi-Orha'a inhatta pa hota Namori-nalewna miy.

29

Yohansi 3:16,17 De yoma Uplerlawna sniyanni la'a rimormiori nohkeran di inponni memna, pede Enala Wutmueheni-Laimieheni A' die, totpena ha meni mak kpesiay A' die hota edonna nler la matmiati-molmuolu pa rrinnia la ai mormiori ralamni mere nlernana mormiori plalahwa pa nodi liarni. Yoma Uplerlawna Nalernia A'nani A' die, de edonna muai pia tiorna watghudi la nohkeran di. Mere Amuai die totpena A'umori-ulewna rimormiori.

1 Yohansi 5:11-13 Ne emkadilla maka Uplerlawna Nakot nohora re, de Uplerlawna Nal olek mormiori mak kodi liarni mai ita, ne A'nani ed mak kodia mormiori die. Riy maka kora Uplerlawna A'nani rla ihru ida-ralm ida, hota rmormiori plalahwa pa nodi liarni. Riy mak edon nora Uplerlawna A'nani ihru ida-ralm ida de edon nler la mormiori die. Agal horat la makpesiay Uplerlawna A'nani miy, de totpena miatga de miy di de mliernan oleka mormiori-dardiari plalahwa pa nodi liarni.

30

Matius 26-28; Lukas 22-24; Yohansi 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Luang Bible (lex) © 2014, Wycliffe Bible  
Translators, Inc. All rights reserved.

<https://live.bible.is/bible/LEXWBT/GEN/1>

©2026 Bible for Children, Inc.  
www.M1914.org www.bibleforchildren.org

31